

«Թումանյանի ռեալիզմը» զեկուցումով Հանդես եկավ բանասիրական գիտությունների դոկտոր, պրոֆեսոր է. Մ. Զրբաշյանը։ Զեկուցողը բնութագրեց Թումանյանի տեղը 19-րդ դարի վերջի և 20-րդ դարի սկզբի հայ գրական ուղղությունների փոխադարձ պայքարի և ներդրածության մթնոլորտում։ Սկզբից նեթ հետևելով կյանքի ռեալիստական պատկերման սկզբունքներին, Թումանյանը իր ստեղծագործության մեջ ընդունեց նաև մյուս գրական մեթոդներին, մասնավորապես առաջավոր ռոմանտիզմի նվաճումները։ Զեկուցման մեջ հանգամանորեն խոսվեց նաև Թումանյանի ստեղծագործական համակարգում պայմանական, ֆանտաստիկ և հիպերբոլիկ պատկերների զեղարվեստական նշանակության մասին։

✱

Սեպտեմբերի 9-ին էջմիածնում տեղի ունեցավ ինստիտուտի գիտական սեսիան նվիրված Հովհ. Թումանյանի ծննդյան 100-ամյակին։ Զեկուցումներով Հանդես եկան բանասիրական գիտությունների դոկտոր, պրոֆեսոր Խ. Ս. Սարգսյանը, ՀՍՍՀ ԳԱ Բելիցկից-անդամ Ա. Ղանալանյանը և բանասիրական գիտությունների թեկնածու Մ. Ավդալբեգյանը։

✱

Սեպտեմբերի 13-ին Կիրովականում տեղի ունեցավ Հովհ. Թումանյանի ծննդյան 100-ամյակին նվիրված գիտական սեսիա։ Ինստիտուտի դիրեկտոր, բանասիրական գիտությունների դոկտոր վ. Ս. Նալբանդյանի բացման խոսքից հետո զեկուցումներ կարդացին Ա. Տ. Ղանալանյանը, Լ. Բ. Աղաբաբյանը, է. Մ. Զրբաշյանը և Գ. Յիցիշվիլին։

ԹԱՏԵՐԱԳԵՏԻ ՎԱՍՏԱԿԸ

Հայաստանի գիտական և թատերական հասարակությունը նշում է Հայկական ՍՍՀ արվեստի վաստակավոր գործիչ, ականավոր թատերագետ Սարգիս Մելիքսեթյանի ծննդյան 70-ամյակը։

Իր գիտական-հասարակական եռանդուն գործունեությունն սկսելով Հայաստանում Սովետական կարգերի ստեղծման առաջին իսկ օրերից, Սարգիս Մելիքսեթյանն անցել է սովետահայ մշակութային գործչի փառավոր ուղի։

1921—1930 թթ. ընթացքում նա վարել է պետական, պրոֆմիութենական պատասխանատու պաշտոններ, հանդես է եկել որպես գրող և ժուռնալիստ։

1930 թ. նա ստանձնում է նորաստեղծ Հայկինուի օգնարական բաժնի ղեկավարի պաշտոնը, այն վարում է շուրջ փինգ տարի և նպաստում արևելյան բարձրորակ ղեկավարի պաշտոնական և փաստագրական կինոկարների ստեղծմանը, ինչպիսիք են «Պեպոս», «Զանգեզուր», «Գիքոր», «Խաչիփուշ», «Մեքսիկական դիպլոմատներ», «Սև թևերի տակ», «Սովետական Հայաստան», «Հայաստանի տերեր» և այլն։

Հաջորդ տարիներին Ս. Մելիքսեթյանը ղեկավարում է հանրապետության արվեստի գործերի վարչության թատերական բաժինը և ապա դառնում նույն վարչության ղեկավար խորհրդատու՝ դրամատուրգիայի գծով, մեծ շահով նպաստելով մեզանում դրամատուրգիայի զարգացմանը և հանրապետության թատրոնների խաղացանկի թարմացմանը։

Այս շրջանից սկսած՝ Ս. Մելիքսեթյանի անունը անխզելիորեն կապված ենք տեսնում մեր ժողովրդի թատերական արվեստի հետ։ Նա կենտրոնական մամուլում հանդես է գալիս որպես թատերական լուրջ քննադատ, առանձին գրքերով հրատարակում մի շարք ծավալուն թատերագիտական աշխատություններ՝ «Երևանի պետթատրոնը» (1934 թ. Լ. Չարենցի խմբագրությամբ), «Путь нашего театра» (1941), «Թատերական ակնարկներ» (1945), «Հովհաննես Արելյան» (1954), որոնցում հայ թատերագիտության մեջ առաջին անգամ ամբողջ խորությամբ վեր է հանում և արժեքավորում հայ բեմի խոշոր վարպետներ Հովհաննես Արելյանի, Վահրամ Փափագյանի, Մկրտիչ Զանանի, Ամո Խարազյանի, Արուս Ոսկանյանի, Օլգա Գուլազյանի, Ավետ Ավետիսյանի և այլոց վաստակը, գիտական բարձր մակարդակով հանրագումարի ենթարկում մեր թատրոնի առաջին տասնամյակների նվաճումները։

Հայ թատերագիտության մեջ լուրջ ներդրում էր Ս. Մելիքսեթյանի 1960 թ. լույս ընծայած «Ուրվագիծ սովետահայ թատրոնի պատմության» աշխատությունը, որտեղ լայն կտավի վրա, իրեն հատուկ գիտական բարեխղճությամբ, հեղինակը ցուցադրում է սովետահայ թատրոնի զարգացման ողջ պատմությունը, անդրադառնում Հայաստանի քաղաքներում և եղբայրական հանրապետություններում ծավալված թատերական եռուն կյանքի իմնական փուլերին։

Սովետահայ թատրոնի պատմության հարցերին պոզիտիվ Ս. Մելիքսեթյանը լուրջ կերպով պրազմում է նաև հայ թատրոնի անցյալի գործիչների ստեղծագործության և ժառանգության դիտական հետադուրությամբ ու հրապարակմամբ. Գևորգ Չմշկյանի, Պետրոս Աղամյանի, Սիրանուշի մասին նրա գրած հետադուրությունները իրենց բարձրացրած փաստական նյութով և արվեստարանական վերլուծությունների խորությամբ առանձնակի տեղ են գրավում մինչև այժմ հայ թատրոնի պատմությանը նվիրված գիտական աշխատությունների թվում:

II. Մելիքսեթյանը տասնամյակների ընթացքում անձամբ միջամտել է սովետահայ թատրոնի ամենօրյա խնդիրների առաջադմանը և լուծմանը, իր գիտելիքներն ու եռանդն ի սպաս է դրել նաև հանրապետությունում թատերական կադրերի պատրաստման ասպարեզում: Նա Երևանի թատերական տեխնիկումի հիմնադիրներից է, հետագայում ստեղծված թատերական ինստիտուտի առաջին դասախոսներից մեկը, նրա թատերադիտական ֆակուլտետի ղեկանը և ապա ամբիոնի վարիչը: Ներկայումս հանրապետության թատրոններում, կինոյում, հեռուստատեսությունում աշխատող գերասանների, ռեժիսորների մեծագույն մասը նրա սաներն են:

Ս. Մելիքսեթյանը նաև թանգարանային գործի նշանավոր կազմակերպիչ է: 1935 թ. նրա ջանքերով է ստեղծվել Երևանի թատերական թանգարանը, որը նա ղեկավարել է 15 տարի, այստեղ կենտրոնացնելով հայ նոր թատրոնի զարգացումը բնութագրող Վազարվոր վավերագրեր:

1954 թ., երբ ստեղծվում է Հայաստանի գիտությունների ակադեմիայի գրականության և արվեստի թանգարանը, Ս. Մելիքսեթյանը վարում է նրա գիտնական քարտուղարի և ասլա 1963-ից՝ դիրեկտորի պաշտոնը: Նրա ղեկավարած գրականության և արվեստի թանգարանը լայն կապերի մեջ է արտասահմանի հայկական գաղթավայրերի հետ և հսկայական դեր է կատարում հայ գրականության, թատրոնի, երաժշտության գանձերի հավաքման, կենտրոնացման և դիտական մշակման գործում, լայն հնարավորություններ ստեղծում հանրապետության գրականագետների, արվեստաբանների, պատմաբանների բեղմնավոր աշխատանքի համար:

Ավելի քան կես դար համագործակցելով հայ գրողների, արվեստագետների մի քանի սերունդների հետ, Ս. Մելիքսեթյանը խորապես ճանաչել է նրանց ստեղծագործության առանձնահատկությունները, մարդկային առաքինությունները, նրանց սերտ կապը ժողովրդական զանգվածների հետ և գրել արժեքավոր հիշողություններ: Նրա «Մտերմական Շիրվանզադեն» հուշագրությունը չերմ ընդունելություն գտավ շնթերցողների լայն շրջաններում:

Արդեն 70 տարեկան է Ս. Մելիքսեթյանը. բայց երիտառարդական ավյունով լեցուն, անխոշ ու գործիմացությամբ շարունակում է իր շնորհակալ աշխատանքը՝ թատերագիտության մեջ, մամուլում և թանգարանային ասպարեզում:

Գ. ՄԱԴՈՅԱՆ